



ACADEMIA PRO INTERLINGUA

— ANNO XXIII —

Directore: G. PEANO, prof. In Universitate de Torino - Cavoretto, Torino.

Tesaurario: Dr Prof. G. PAGLIERO - Via S. Francesco 44, Torino.

Discussiones N. 6.

1 october 1910.

LINGUA DE ACADEMIA

PROPOSITIONES APPROBATO AB ACADEMIA

§ 1. Lingua de Academia habe vocabulario internationale ad maximo, et grammatica minimo.

§ 2. Academia accepta vocabulos commune ad vocabularios etymologico A. D. F. H. I. P. R. (*)

Vide *Discussiones* pag. 4, 10, 14, 16, 46, 77, 91.

(*) Abbreviations: A=Anglo, D=Deutsch, F=Français, H=Hispano, I=Italo, P=Portuguez, R=Russo, L=Latino, G=Grecce, E=Europæo antigo.

§ 3. Vocabulos Anglo, derivato ex Latino, es quasi semper F. H. I. P., et sæpe D. et R.; existe in commercio numeroso vocabulario excellente de Anglo-Latino. Academia adopta, in modo provvisorio, omni vocabulo Anglo derivato ex Latino.

Vide pag. 5, 11, 14, 16, 78, 92.

§ 4. In Botanica, Zoologia, Chemia, etc., Academia adopta nomenclatura in usu in scientia.

Vide pag. 58, 91.

§ 5. Academia præpara vocabulario de voces non definito per § 2, § 3, § 4, et de voces plus frequente.

Vide pag. 8, 92.

§ 6. Academia adopta omni vocabulo internationale, existente in latino, sub forma de thema latino.

Vide pag. 4, 11, 14, 16-20, 26-34, 59, 61-62, 73, 93.

§ 7. a) Lice substitue *ph* per *f*, *th* per *t*, *æ* et *ɛ* per *e*.

b) Lice supprime vocale finale, quando non existe ambiguitate.

Vide pag. 97, 130, 131, 136, 158, 159.

§ 8. 100 vece commune ad A. D. F. H. I. P. R., approbato ab Academia, secundo § 2 et § 6.

sol, luna, astro; luce, die, nocte; aer, foco, terra, aqua; homo, patre, matre; caput, naso, lingua, dente, manu, pide, corde: cane, bove, leone; rosa, lilio, cofen; libro, charta; olbo, nigro, rubre; vero, justo, falsc; longo, medio, noso; juvenc, sene.

uno un-, duo du-, tres tri-, quatuor quar-, quinque quin-, sex, septem sept-, octo oct-, norem nov- no-, decem dec- de-, centum cent-, mille mil-.

me, te, nos, vos, se, que, omni, plure, illo, nullo.

es, sta, sede, i, habe, da, fac, fer, dic, debe, poter, vol, vide, audi, sci, crede, stude, scribe, lege, ama.

ab, ad, ante, circa, cum, de, ex, in, per, post, pre, pro, sine, sub, super, trans; ne, plus, minus.

§ 9. Nomen proprio de persona et de urbe habe orthographia nationale, aut magis proximo ad nationale.

Ex. *Paris, London, Roma, New-York, Lisboa; Athenae, St. Petersburg.*

§ 10. Academia tribue ad literas *a, b, d, e, f, i, l, m, n, o, p, q, r, s, t, u, v* sono conforme ad I., et ad literas *g, h, j, x, z* sono conforme ad D.

§ 11. Lice supprime omni elemento grammaticale non necessario.

Vide pag. 13, 46, 95.

§ 12. Interlingua non habe articulo, quando es inutile.

Vide pag. 100, 114, 161, 162.

Propositiones precedente es approbato, secundo Statuto et Regulamento de Academia. Sed mane semper in discussione, et, secundo articulo 13 de Statuto, pag. 55, majoritate de socios pote modifica propositione approbato; hoc jam es facto plure vice, dum 23 anno de nostro societate. Et dato magno numero de novo socios, es probabile que aliquo propositione debe es posito de novo in votatione.

Approbatione de propositiones indica que majoritate, et in generale, unanimitate aut quasi, de socios, es pro isto propositione. Approbatione habe valore morale. Nullo socio es obligato ab decisiones de Academia. In nostro periodico, secundo § 11 de Regulamento, pag. 56, omni socio pote adopta forma de interlingua, que illo prefer.

Nostro periodico es collectione de studios theorico, et de experimentos practico, de interlingua. Citatione du paginas de *Discussiones* post omni propositione permitte ad lectore de inveni rationes pro et contra omni propositione. Labore qte omni collaboratore debe fac pro construe suo sistema de lingua, es facto plus facile.

Propositione 1, 2 et 4, jam es approbato in N. 4 de *Discussiones*.

Propositione 1 affirma que lingua de Academia es fundato super principio de internationalitate maximo. Academia affirma que vol stude lingua composito ex elementos plus diffuso in linguas de Europa. lingua intelligibile cum facilitate maximo ad illos que cognosce uno ex linguas A. D. F. H. I. P. E. Academia non stude lingua artificiale.

Grammatica minima es consequentia de principio de internationalitate; nam paucus elementus grammaticale es internationale.

Plure systema de interlingua confine principio precedente; sed dogma et organizatione impedi evolutione. In nostro periodico, jam existe plure systema de interlingua intelligibile, ad primo visu, ad omni homo que cognosce aut latino, aut uno ex 5 linguas moderno A. D. F. H. I. P.

§ 2 dice que Academia non stude destructione de elementos jani internationale. Nostro societas non tracta de reformatio de calendaric, aut de divisione de die in hora, minuto et secundo. aut de modificatione ce systema de numeratio decimal. Nam hoc jam es internationale.

In generale, deliberationes de Academia non verte super propositiones scientifico. Non es posito in votatione theorema de mathematica, aut propositione de linguistica. Deliberationes de Academia verte super natura, limite, et ordine de labores. Nos pote trahe empi informatione de etymologia ex vocabularios etymologicos.

Actuale § 3 coincide cum § 5 de pag. 92 et que jam accipe 14 voto in favore. Maximo numero de votantes es 16. Suo variante, aut nero firma, § 4 de pag. 92 accipe solo 10 voto in favore: Me. A. Ber. J. Kor. Mi. Mol. Pag. Pe Ro., et 1 contra, que es nullo, secundo art. 5 de Regulamento; nam es sine propositione novo (contrapropositione). (*)

Antiquo § 4 es superiore ad § 5 in theoria, sed inferiore in praxi; nam illo exige que omni cultore de interlingua posside vocabulario etymologico de singule ? lingua. Isto exige que scriptore posside vocabularios L. et A. et compara illos. Comparatione, et omni indicazione pro interlinguistas es scripto in vocabulario de Heurne, jam plene vice citato. Omni scriptore de interlingua debe habe, super suo tabula, isto vocabulario. In casu contrario, illo propone solutione de questiones jam soluto. Omni lectore de interlingua debe posside ad minimo vocabulario etymologico de suo lingua. In casu contrario, iatellige nihil ad nostro labore.

Nos spera que interesse scientifico et practico de elementos internationale suade auctores et editores ad publicatione de vocabularios plus commode et economico.

§ 5' de pag. 92 es suppresso ab proponente.

§ 6 de pag. 92 accipe 4 voto in favore: Ha. Ber. Mi. Mol., dum suo forma æquivalente § 7 de pag. 92 habe 14 voto in favore. Ergo isto mane approbato, et constitue novo § 5.

Propositiones de socios Meysmans et Hartl mane ut consilio pro publicatione de brevi manuale de interlingua. Nos invita socios, que vol publica isto manuale, de scribe ad Directioæ.

§ 2, 3, 4 defini, in modo quas: completo, vocabulario de lingua de Academia. Isto vocabulario contine numeroso synonymo; si Academia construe suo sistema de derivatione regulare, numero de synonyms ti majore. Auctores de vocabulario de interlingua, pote collige synonyms, et indica forma meliore. Isto labore non pote hodie es facto ab Academia.

Actuale § 5 significa: Academia incipe per collige veces necessario, non latino-anglo, et non de scientia (que es jan collecto in libros speciale).

Actuale § 6 vale § 8 de pag. 93, que habe 8 voto pro, plus 4 de

(*) Votacion mediu parol no, sine propositione nov ptes restar sine konsiderasion de direktor.

variantes. Proponente supprime contrapropositione § pag. 93. Contrapropositiones §'' et §''' pag. 94 habe solo voto de proponentes. Me publica omni propositione proposito ab uno socio, et me reproduce illo, solo si es accepto ab duo aut plure socio. Hoc es conforme ad art. 17 de Statuto, pag. 55, que fixa ad 6 numero de proponentes, ut propositione debe es presentato. Ergo isto propositione, que habe majoritate de votantes, et nullo propositione contrario, es approbat.

Actuale § 7 indica variantes a) b) c) et d) in pag. 93. Variante a) es approbato ab 3 socio: Ha. Mol. Pad. Socio Mi. supprime suo adhæsione. Variante b) es approbato ab 3 socio: Mi. Be. Pad. Variante c) et d) es approbato ab 5 socio: Mi. Ha. Mol. Be. Pad. Et 9 socio, id es, majoritate de votantes, in pag. 93, accepta omni variante proposito ab quarto de numero de votantes, que es 12. Ergo isto variantes es approbato.

Ita incipe applicatione de principio de variantes. Nostro Academia es libero ad omni opinione. Nos habe gusti differente, proveniente ab diversitate de patria, de studio, de occupatione. Si post studio et discussiones, socios non es concorde super ullo propositione, hoc significa que es questio de gustu, de que non es disputando; aut que questio non es satis maturo, et debe es translato ad tempore meliore. In omni casu es bene que deliberationes de Academia contine non solo idea de majoritate, sed et de minoritate sufficiente. Illos que vol lingua sine variantes, pote seque opinione de majoritate.

Systema de variantes permitte perfectionamento de interlingua, sine schisma successivo.

Si ullo socio propone idea bono, es difficile que, subito, idea es approbato ab majoritate de socios. Sed pote cum facilitate es approbato ab quarto de numero de socios. Tunc idea es applicato; pote habe majoritate; tunc isto es regula, et opinione precedente es variante. Et si opinio precedente non obtine, in votatione posteriore, quarto de numero de socios, tunc es mortuo.

Lingua de Academia debe habe omni qualitate bono: debe es intelligibile ad primo visu, et regulare; facile in lectura et in scriptura. Ce conditions sape concorda. Si in aliquo casu es discorda, Academia stude et forma internationale, et forma regulare. Omni socio es libero de sequi uno aut alio forma.

Cetero variante de orthographia, proposito in pag. 93, habe solo adhæsione de proponente. Nunc socio Berniaupt propone substitutione

de *c* duro per *k*, et de *c* molle per *s*, et de *t* ante vocale per *si*. Socio Padoa propone plurale variante, exposito in pag. 158.

§ 8, tracto ex pag. 93, es initio de brevi vocabulario de interlingua. Socics pote stude si aliquo vocabulo pote es substituto per alio plus internationale.

§ 9 vale § 11 de pag. 94. Es approbato ab socios Pe. Pag. Me. Kor. Kol. A. J. Be. Mi. E. Socio Ro. nota que isto deliberatione de Academia de 1887 es mutato per circulare 77 de anno 1904. Hodie Academia reapproba primo decisione, que substitue, ad deformatione de nomen proprio, forma originalis. Et Esperanto deforma nomen proprio; suo filio Ido es plus fidele. Sed non in modo completo. In isto concursu ad progressu, redactione de *Internacia Scienca Revue* (vide pag. 54) scripto in Esperanto, in ultimo numero de augusto-septembre 1910, adopta principio identico ad illo de Academia: « Propraj nomoj konservas sian nacian ortografion, au ortografion kiel eble proksiman al la nacia ».

Pag. 94, § 9, relativo ad orthographia de vocabulos internationale nor latino, habe voto de Me. Mol. Be., et debe es evolutio. Mane contrapropositione § 10. Iste quæstione non urge.

§ 10 es deliberatione constante de Academia. Habe in favore 11 voto relativo ad propositione pag. 94, § 12, plus voto de socios Mol. et E.

Mane in discussione pag. 94, § 12 et 12', id es, sono de cetero littera:

§ 10 a). Pronuntiatione de vocabulos latino es conforme ad antiquo latino.

Vide pag. 12-13, 14, 45, 80, § 4. Habe 11 voto in favore.

b). Pronuntiatione de vocabulos es conforme ad principio de maximo internationalitate. [Me. Mol. Be.]

Lebe es evolutio. Isto quæstione es tractato ab M. Passy (vide pag. 35), que adopta alphabeto phonetico composito ex litteras latino, et numero signo, nor existente in typographias commune. Studio et diffusione de alphabeto phonetico pote es objecto, aut non, de nostro societate, secundo voluntate de majoritate de socios.

Socio Mi. supprime variante b) in pag. 95. Vide pag. 131-136.

§ 11, identico ad § 14 de pag. 95, habe 11 voto pro. et nullo contrapropositione; 2 voto contrarios es nullo per § 5 de Regulamento.

Pag. 95, § 15, relativo ad substitutione de vocale finale de thema, per vocale grammaticale, accipe sclo voto de proponente.

§ 13 a). Suffixo -s indica plurale.

[Pe. A. B.. Ha. J. Kor. Mi. Pal. Pag. Wa. Me.]

b). Plurale es indicato per suffixo -i. [Mol. Be.]

c). Lice supprime suffixo de plurale, quando non es necessario.

Vide pag. 13, 62, 63, 95, 125.

Regula c) seque ex § 11. Suppressione de plurale es exercitio de logica multo utile. Nos invita lectors de expone exemplo de propositiones, ubi suppressione de plurale praesenta difficultates.

§ 12 (§ 17 de pag. 95) babe voto in favore de Pag. Pe. Mol. Kor. Kol. Be., et es decisione constante de nostro Academia. Indica que articulo debe es suppresso quando es inutile. Nunc se praesenta quæstione, si existe casu, ubi articulo es utile. Hoc es dicto ab plure, et in *Discussions*, pag. 114, sed nullo propositione es dato ut exemplo.

Post demonstratione que articulo es utile in aliquo casu, nos pote stude quale es forma meliore de illo. Ac formas citato in pag. 100, socio Rosenberger acce Volapük-neutral *el*, scripto in grammaticas, et non in usu.

Ex-direclore de Academia, Holmes, in circulare 75 de 1904, probatio valore de articulo in linguis moderno per exemplum sequente:

- F. « en vertu du principe de l'internationalité »
- A. « in virtue of the principle of internationality »
- F. « le latin classique était obligé »
- A. « classical latin was obliged »
- F. « la foi, l'esperance et la charité »
- A. « faith, hope, and charity ».

In exemplis praecedente, usus de articulo italo coincidit cum franco.

Pag. 95, § 18 indica expressione de genere. Regulas a) b) c) es internationale, et approbato ab Academia, secundo § 2 et § 3. Regula d), que exprime genere per articulo, es approbato ab socios Pag. Pe. Mol. Kor. Socio Ro. propone pro feminino suffixo -essa: *abat-essa*. Isto suffixo, L. *abbatissa*, jam es approbato, secundo § 3. Vide pag. 72.

Socio Beruhaupt scribit:

- « Omni nom maskulin fini in o, omni feminin in a, e adiunkta i in plural. P. e.: *patro, patra; fratro, fratra; direktoro, direktora*.
- « Plur.: *patroi, patrai; fratroi, fratrai; direktori, direktorai*, ecc.
- « Iste manier es simpl, natural e logik ».

De verbo.

Pag. 96, § 19 pone in discussione conjugatione de verbo. Existe concordia in regula sequente:

§ 14 Subiecto indica persona et numero de verbo.

Exemplo: *me scribe, te scribe, nos scribe.*

Es deliberatione de Academia, circulare 36 de anno 1887; ce regula vige in Anglo, et es adoptato ab omni sistema moderno de interlingua.

Socio Bernhaupt propone conjugatione secundo *Neutral* de 1902. Socio Molenaar propone *Universal*. Socio De Wahl expone sistema in pag. 25. Socio Rosenberger scribe: « Person, temp e mod de verb es indiked per perifrasi ekseptu formi de presens, imperfecti, futur, conditional, infinitiv, partisip, gerundiv e imperativ, keli resiv sufiksi: « -e, -er, -era, -eré, -er, -ent, -ed, -erd, -al, -ate!, -am! ».

Me expore in ordine opiniones differente.

Tempore.

Non semper verbo habe idea de tempore. In arithmeticā et in geometria, propositiones es independente de tempore. Versione de verbo per D. *Zeitwort*=tempore-voca, responde ad classificatione non exacto.

Forma de verbo, independente de omni idea de tempore, es vocata ab grammaticos « presente », quod es improposito. Resolutio de nostro Academia, de 1897: « tempore praesente es indicato per thema de verbo, sine suffixo », pote habe forma sequente:

§ 15. Si verbo non contiene idea de tempore, aut si tempore es jam indicate, thema de verbo habe nullo suffixo.

Exemplo: *Nunc me scribo. Heri te lege. Jam nos stude. Cras nos ad Roma.*

Omni voce es internationale, secundo § 2 aut § 3, excepto *nunc* et *jam*.

Neutral in 1897 adopta suffixos *-er* pro imperfecto, et *-ero* pro futuro, addito ad thema, sine vocale finale.

Universal adopta *-era* et *ero*; *Neutral-reformed* *-ar*, *-era*.

Isto suffixo deriva, in modo evidente, ex L. *ama-va* et *am-era*.

Quale es suo origine, et diffusione?

Nunc se praesenta cuestione: Es semper possibile, et facile, de xprime tempore per perifrasi, sine suffixo?

Collaboratores pote collige, et publica, exemplo de propositiones, ubi expressione de tempore per perifrasi praesenta difficultate, et aliquo suffixo es utile.

Modo subjunctivo es irutile, ut demonstra socio Kolowrat in pag. 119.

Modo conditionale, optativo, imperativo, es inutile. Socios que puta que illos habe aliquo utilitate, pote publica exemplo de propositiones, ubi suppressione de ce medos produce ambiguitate.

§ 16. Infinito.

Pro indicatione de infinito, es possibile systema sequente:

1. Systema anglo. Infinito habe nullo suffixo, et resulta ex contextu.

Exemplo: *me vol scribe*; *te debe lege*; *nos pote stude*; *nos ede pro rite*, *ne nrae pro ede*. Omni elemento es internationale secundo § 2. Es novitate pro E. H. I. P.; in grammaticas de A. es explicato omni difficultate.

2. Systema latino, vivente in E. H. I. P. Ad thema latino (aut imperativo), adde suffixo *-re*, et resulta, in generale, infinito:

L.	<i>ama-re</i>	<i>habere</i>	<i>lege-re</i>	<i>audi-re</i>
L.	<i>ama-re</i>	<i>ave-re</i>	<i>legge-re</i>	<i>udi-re</i>
F.	<i>aimer</i>	<i>avoir</i>	<i>lire</i>	<i>ouir</i>
H.	<i>ama-r</i>	<i>haber</i>	<i>lee-r</i>	<i>oi-r</i>
P.	<i>amz-r</i>	<i>hare-r</i>	<i>le-r</i>	<i>ourir</i>

Verbo irregularē, id es, que seque regula differente ab praecedente, es de tipo:

thema: *fac imita loque-* pote *vel-* es.

infinito: *facere imitari loqui posse velle es-se.*

3. Nostro Academia, in 1896, circulare N. 28, indica infinito per suffixo *-er*, addito ad thema de verbo, suppresso vocale finale. Isto methodo es secuto ab Ido in 1908. Reduccionē ad finale *-er* de verbos qui termina in *-re* et *-ire* es contra usu de linguat L. F. H. I. P., et produce ambiguitates. Per exemplo, Ido *kurar*, *volar* non significa I. *cucrere*, *volare*, sed I. *correre*, *volere*. Isto systema confundit *audere* et *audire*, *fundare* et *fundere*, etc. que debe es distincto in modo artificialē.

4. *Universal*, et *Neutral-reformed* de socio Ro. adopta pro infinito suffixo *-er*, que praesenta difficultates de praecedente.

5. Socio De Wahl, in pag. 25, indica infinito per additione de

solo et ad thema de verbo, servato vocale finale. Difficultates praecedente evanesce; mane solo difficultate de verbos latino irregularis.

6. Suffixo D. *scribere-n*, *lese-n* et suffixo R. *-ti*, pro infinito, non es satis internationale. Nos tace de suffixos artificiale, Volapük *-ö-n*, Esperanto *-i*.

Grammaticas elementare dice que infinito es modo de verbo. Grammaticas superiore dice que infinito non es modo de verbo, sed nomen derivato ex verbo. Henry (vide *Vocab. comm.* p. 17) dice: « Dans toutes les langues de la famille indo-européenne, l'infinitif n'est pas un mode du verbe, mais une véritable formation nominale ». Eoc resulta ex forma de suffixos pro infinito; et resulta ex aequalitate inter infinito et nomen.

L. *in genere*, nom. *genus*, es infinito de antiquo thema *gene*.

I. *il vivere* = *la vita*. *il morire* = *la morte*. *il dovere* = *il debito*.

F. *le pouvoir* = *la puissance*.

L. *amare* = *amore*. *dolere* = *dolor*.

Suffixo R. de infinito *-ti* es identico ad L. *-ti* in *genti-um*, *par-ti-um*, *na-ti-one*, etc.

Infinito de verbo, considerate ut romer, in linguis nec-latino, habe articulo. Isto articulo suffice pro determina infinito. Nos debe elige articulo neutro. Forma plus difuso es G. *to*, vivente in omni lingua moderno. Vide *Discusiones* pag. 100. Ergo pote es proposito regula:

« Thema de verbo, post articulo *to*, indica infinito de verbo, aut nomen abstracto derivato ab verbo ». Exemplo:

to vivere = *vivere*, *vita*. *to gaudere* = *gaudere*, *gaudio*. *to time* = *timere*, *timore*.

Identitate de infinito, et de nomen abstracto, probato ab linguistica, et ab logica, es novitate pro plure interlinguista. Esperanto *ami* et *amo* habe idem valore, ut Ido *amar* et *amo*. Esperantido exprime idem idea per duo suffixo. Sed idem suffixo corresponde ad plure idea. Es noto que suffixo esperantido *-o* habe duo functione, uno grammatical, et uno de derivatione. Sed non suffice. Suffixo de derivatione de nomen abstractio ab verbo habe duo valore differeunte, uno in verbo statico, alio in verbo dynamico, secundc classificatione de socio De Wahl, in pag. 21. Regula supra scripto de articulo *to* non es satis precise. Sed de hoc in alio numero.

Ita incipe studio de derivatione, posito in discussione ab socio De Wahl, in pag. 113. Es parte plus interessante de nostro studio; hodie,

que quæstiones præcedentes es soluto in modo plus aut minus completo et provisorio, isto studio pote incipe.

Systema de votationes es facto secundo Statuto et Regulamento rigente, interpretato cum maximo libertate de socios. Nono directicne future pote modifica illo. Me puta isto systema bono. Nos non debe pone in votatione quæstiones scientifico, sed quæstiones de facilitate, de intelligibilitate, de gustu.

Resultatu de votatione cresce in interesse cum numero de votantes. Ergo nos invita socios ad exprie proprie opinione super propositiones in discussione. In proximo numero nos publica responsu, in limite de potentialitate de pecunia de Academia. Si es necesse, nos applica articulo 17 de Statuto, id es nos pone in votatione solo propositiones propcsito ab sex socio.

Propositiones jam approbato ad unanimitate aut quasi, defini in linea generale lingua de Academia. Ut jam es dicto in pag. 13, formas de interlingua adoptato ab collaboratores, secundo Regulamento, non es in discussione, et non es lingua de Academia. Forma que me adopta non es lingua de Academia; nam me adopta latinismo, et formas irregulare, ubi ac me es commodo; me scribe pro socios de Academia, et non in lingua de Academia. Linguis de Academia es lingua constructo secundo voluntate de majoritate de socios.

Nos preca collaboratores de scribe in lingua internationale, et non in lingua nationale, secundo § 16 de Statut. Et de scribe in lingua internationale que illos præfer, secundo § 11 de Regulamento pag. 56; ergo es bene que omni socio adopta modificationes que propone. Si socios non seque deliberationes de Academia, pag. 147-148, es utile que illos adde aliquo ratione. Nos preca que omni articulo contine propositione, que pote es positio in votatione.

G. PEANO, *Directore*.

De ortografia.

Ad ortografia secundo etimologia, de pag. 93 § 8, me oppone ortografia secundo fonetica.

1) *ph* es substituto per *f*.

Ce substitutione jam es facto in I. et H., et in omni lingua *ph* sona *f*.

2) *th* es substituto per *t*.

Hoc es facto in H. et I. et in D. F. P. R. sono correspondente es *t*.

3) *y* es substituto per *i*.

Nam in omni lingua sona *i*, et si in ullo es scripto *y*.

Propositione precedente es relativo ad vocabulos derivato ex greco.

4) *æ* et *œ* es substituto per *e*.

Quod es conforme ad ortografia F. H. I. P. R.; in A. es semper transformato in *e*, excepto ullo vocabulo scientifico recente.

Plus difficile es questione de *c*. Illo habe sona duro, identico ad D. *k*, ante *a* o *u*, consonante et finale, et habe sona molle, sed vario, ante *e* et *i*. Sono molle de *c* in I. existe in A. et H. ubi es transcripto *ch*. Es commune in linguas slavo; in R. es indicato per *q*. In F. et D. litterario non existe, et sono simile es indicato per *tch* et *tsch*. Existe in dialectos. Propositione de substitue *c* duro per *k*, et *c* molle per *z*, *s*, seduce ad primo visu, pro obtine correspondentia univoco inter litera et sono. Sed da ad vocabulos forma differente ab internationale, et produce difficultate non necessario. Interlinguistas in generale incipe per primo solutione, et veni ad conservatione de *c*. Socio Boningue explica rationes in pag. 131-136, et suo rationes es excellente. Ergo, me approba propositiones de socio Michaux:

5) Litera *c* es conservato, et sona ut in italo.

Si nos substitue ad *c* duplice forma, es necesse de tribue ad correspondente *g* duplice forma, que pote es *g* duro, et *j* molle, cum sono conforme ad italo. Sed hoc defigura voces internationale. Substitutione de

L. I. *generale*, A. D. H. P. *general*, F. *général*, per *jeneral*, es contra principio de internationalitate. Ergo, es utile conservatione

de *g*, et si nos vol habe uno sono pro idem litera, es necesse adoptione de sono conforme ad D.:

6) *g* habe sono semper duro, ut in D.

7) *ch*, iu voces ex greco, es substituto per *c*; et per *k* ante *e* et *i*. Exemplo: G. *chaos*, *chilioi*; interlingua *caos*, *kilo(grammo)*.

ti ante vocale es substituto in I. per *xi*, et habe sono vario in cetero lingua. Introductione de ortografia italo presenta difficultates explicato ab socio Boningue in pag. 133, et post reflectione, me renuntia ad nostro modo de scribe.

Substitutione de *qu* per *ku* produce difficultate superiore ad utilitate, et suo conservatione es facto in omni sistema moderno de interlingua (Ido, Universal, Neutral reformed, Romanal, etc.).

x es equivalente ad *cs*; ita sigla & vale *et*. Suo substitutione non es utile; sed *x* pote es considerato ut sigla, et non ut litera de alphabeto.

Me prefer vocales finale; sed illos produce difficultates ad A. D. F. Ergo me vota pro libertate de usu.

Suppressione de *h*, ut in I., et simplificatione de consonantes duplo, non pote es proposito, sine studio de ambiguities que nasce.

A. PADOA.

Nota de Directione. Propositiones 1, 2, 4, 5, 6 jam es approbato ab Academia, aut ut regola, aut ut variante. Voto de socio Padoa produce approbatione de § 7 b). Mane in discussione propositiones 3 et 7.

Orthographia internationale.

Socio Meysmans, in pag. 14, et Molenaar, in pag. 94, propone applicatione de principio de internationalitate maximo, pro orthographia. Me evolve isto idea.

Secundo Hickmann, *Atlas universel*, 1908, linguas

A. D. F. H. I. P. R.
es lingua nationale de homines in numero de millions:

120 72 46 50 34 20 93.

Cetero lingua habe diffusione minore. Lingua ADFHIP adopta alphabeto latino. Russo habe alphabeto suo proprio, et non semper pote es comparato cum L. Gradu de internationalitate de aliquo elemento es ratione de numero de homines que cognosce isto elemento

ad numero totale de homines que nos considera. Es definitione simile de probabilitate.

Litera *c*, in vocabulos derivato ex latino, es conservato in AFHIP. In D. existe duplice orthographia concurrente, conservatione de *c*, et suo substitutione per *k* et *x*. Ergo, conservatione de littera *c* habe internationalitate totale, id es 1. Suo substitutione per *h* et *x*, noto solo ad D., habe internationalitate $D/(A+D+F+H+I+P) = 72/342 = 0.21$.

L. *ti* ante vocale, p. ex. in suffixo *-tione* de *definitione*, es conservato in A. D. F., et mutato in modo differente in H. I. P. Ergo: internationalitate de conservatione de *ti*:

$$(A+D+F)/(A+D+F+H+I+P) = 0.7$$

de suo substitutione per *xi*, ut in I., = 0.1

de suo substitutione per *ci*, ut in H., = 0.15

Conservatione de *ph*, ut in A. D. F. P. habe internationalitate $258/342 = 0.75$

Suo substitutione per *f*, ut in H. I. = 0.25

Idem per substitutione de *th* per *t*.

Finale *-a* de nomen latino, de declinatione primo, mane cum magno regularitate in H. I. P. R.

In F. A. D. mane, aut es substituto per *-e*, aut suppresso, secundo historia de vocabulo.

Voce *boa* conserva *-a* in omni lingua. Gradu de internationalitate es 1.

Voces *arena*, *aurora*, *fauna*, *flora*, ... conserva *-a* in A. et D., et muta in *-e* in F. Internationalitate de conservatione de *-a* finale es $(A+D+H+I+P+R)/(A+D+F+H+I+P+R) = 0.9$; et de suo substitutione per *-e*, 0.1.

In voce *formula*, A. conserva *-a*; F. muta illo in *-e*, et D. supprime. Ergo internationalitate de conservatione de *-a* es 0.72.

In voces *disciplina*, *doctrina*, *figura*, ... A. et F. muta *-a* in *-e*, que es suppresso in D. Internationalitate de conservatione de *-a*, 0.45; de suo substitutione per *-e*, 0.38; de suo suppressione, 0.16.

In voces *fabrica*, *forma*, ... finale *-a* es suppresso in A. et D., et mutato in F. per *-e*. Internationalitate de conservatione de *-a*, 0.45; de suo suppressione, 0.44; de suo mutatione in *-e*, 0.1.

In nullo casu, suppressione de finale *-a* habe majoritate.

U. BERNARDI.

Superfluitat de artikl definit.

Si artikl definet eseré « *absolute nexes* », kom dik Sior P. Lusana *) in N. 5 p. 114, *latin*, *rusian* e altr lingi, que hab non is artikl, poteré n'ama « atinger klaritat e prezision in fras ». Idé de artikl definet es *non* internazional, ma son us es le ankor min. Engles dik: *grass is green* (lo exprim dunk generalitat de idé per supresion de artikl); Franzes dik: *l'herbe est verte* (lo exprim generalitat per artikl); German dik: *Grass ist grün* o *das Grass ist grün* (kon absolute egal sens). Si jo traduk sequent fras: *matr legera a Karl libr de patr* in german, jo pot diker: *die Mutter hat dem Karl das Buch des Vaters vorgelesen* (kon 4 artikli) o *Mutter hat Karl Vaters Buch vorgelesen* (sin artikl).

Mem observazion in engles: *mother read father's book to Charles* (sin artikl) o *the mother read to Charles the book of the father* (kon 3 artikli). Sens es in 2 kasi egal. Que faker in L. I.? Us de artikl definet deb nezese duker a difikultati. Diferent popli useré le diferente in divers kasi. Un regl exakt e fazil es impossibl. Es dunk plus praktik, user sole artikl indefinet e suprimer artikl definet.

Ni klaritat, ni prezision exig le, ma eufoní fak preferabl: *del amik*, *al amik a de amik*, *a amik* surtut in poesi. Is 1 deb non eser konsideret kom artikl, ma sole kom sign eufonik.

Percha-Starnberg (Bavaria).

Dr H. MOLENAAR.

*) Sior Lusana exkuse me, si jo komprendeva lo non bone. Ido es un ling, que (nonobstant son artikl definet) es non extreme klar e prezis. Que deb signifiker p. e. *umberar*, *neumberebla*? Ven is bel vokabli da latin *umbra* o da engles *umber*? Sekun sens is mystik parol ven da german *entbehren* e filiazion eseró probable *embehren*, *umberen*, *umberar* kom famos etymologi: *alopex*, *pix*, *pax*, *pux* - *Fuchs*.

VARIETATE SOLRADI

« Serenissim » un di asisteva kavalkat-instrukzion. Subite lo remarkeva, ke tut kavali terifieva se in mem lok de hipodrom.

« Kapitan » lo kri. — « A Vor disposition, Majestat! » — « Porqué terifi se kavali hik in angul? » — « Pro zirkli faked per solradi in ter, Vor Majestat! » — « Oh, Sior, porqué ordon vo non, ke on jet sabl sur le? ».

MOLENAAR.

DE ARTICULO

Socio prof. Lusana, in pag. 119 dice: « me pote monstra per multo et numeroso exemplo, que articulo es utile, et in ullo casu necessario, ut phrasi es claro et præciso ». Sed illo: « oblyyas pruvar kad la manko di l'artiklo, en ula kazi, kreas nefacilaji e miskompreni ».

Ergo post isto scripto, nos es ut ante. Existe casu ubi articulo es utile aut necessario? « Pari ad arabo phœnicio; quod existe, omni dice; ubi es, nullo sci ».

Argumento de consocio super internationalitate de articulo significa: « es magno, maximo errore de affirma que 9 decimetro non es metro, nam 9 decimetro es quasi metro integro ».

Inter linguas que non habe articulo, ultra latino et russo, es linguas slavo, ut polono et checo.

Definitione de articulo et suo functione non es claro. Ex *Dictionnaire universel*: « Partie du discours qui a donné lieu à des longues et interminables discussions ». Nos spera que discussione super isto punto non es interminabile in nostro societate, et nos repete consilio: quando articulo non es necessario, supprime isto elemento parasita, que non exprime idea internationale, que non habe forma internationale, que habe functione differente in linguas latino et germanico et que habe nullo definitione satisfacente. Constructione de lingua internationale præsenta numero difficutate. Non nos debe crea difficutates non necessario.

G. PAGLIERO

Exemplo de interlingua

per G. PEANO.

Jam nostro periodico contine numeroso exemplo de omni specie de interlingua, et plure versione de idem textu. Nunc me compara expressione de duo primo propositione in pag. 83 de *Vocabulario commune*.

(1) Latino: *Sol fulgit. Nox sequitur diem.*

Si nos decompone omni vocabulo in thema et suffixo, et adde in parenthesi literas suppresso in latino, resulta:

(2) *Sol fulg(e)-it. Noc(te)-s sequ(e)-it-ur die-m.*

Primo propositione es expresso per 3 elemento. Secundo propositione per 7. Valore de elemento *sol*, *fulge*, *nocte*, *seque*, *die*, es explicato in vocabularios. Valore de *-it*, *-s*, *-ur*, *-m*, es explicato in grammaticas de latino.

Nunc observatione simplice es: elementos grammaticale in propositiones præcedente non es necessario pro intelligentia. Si nos supprime illos, resulta Latino sine flexione:

(3) *Sol fulge. Nocte seque die,*

ubi propositiones es expresso per 2 et 3 elemento.

Versione de propositiones (1) in Volapük es:

(4) *Sol nid-om. Neit suk om del-i,*
expresso per 3 et 5 elemento, explicato in vocabulario et grammatica de volapük.

Voces volapük:

sol nid neit suk del

responde ad L.

sol fulge nocte seque die. (¹)

Suffixo *-om* de verbo persona 3, et *-i* de accusativo, respondentes ad *-it* et *-m* de latino, non es necessario. Volapük habe duo elemento, que non debe existe in grammatica minimo. Elementos grammaticale es arbitratio. Vocabulos es tracto ex linguas de Europa, et reducto ad forma quasi generale: consonante-vocale-consonante.

(¹) Per approximatione. Vide nota (²).

Versione in Esperanto:

- (5) *La sun-o bril-as. La nokt-o sekv-as la tag-o-n*
expresso per 5 et 9 elemento. Vocabulos

Esp. *sun, bril, nokt, sekv, tag,*
responde ad L. *sol, fulge, nocte, seque, die.*

Cetero elemento *la, -o, -as, -n*, es inutile. Esperanto habe grammatica plus complicato que latino classico. In grammatica, es regressu ab volapük. Nos pote examina singulo elemento.

-n es suffixo de accusativo. Nos cognosce valore de accusativo ab usu, non ab definitione. Definitiones de elementos grammaticale es semper incompleto, aut es circulo vitioso. Ergo scriptores de Volapük-Esperanto, que cognosce uno lingua cum accusativo, id es L. G. D. R., ute accusativo in modo differente de scriptore que cognosce solo linguas ubi accusativo es mortuo aut quasi, p. ex. A. F. H. I. P. In diurnale *Esperantista* (1902, N. 1) es scripto:

Esperanto estas konita-n lingvo-n,

que corresponde ad falso latino: *lingua latina est cognita-m lingua-m.* Suppressione de accusativo non pote es facto in Esperanto, sed es facto in Ido, derivato ex Esperanto per schisma, et que scribe:

- (6) *La sun-o bril-as. La nokt o sequ-as la jorn-o.*

-as indica tempore præsente. Volapük indica tempore præsente, perfecto et futuro per præfixo (aut augmento) *a- i- o-*. Præfixo *a-* es in generale suppresso. Esperanto indica tempore per suffixos *-as -is -os*. In omni lingua existe forma de verbo, vocato præsente, aut præsente historico, que habe nullo suffixo de tempore; indicationes de tempore es facto per suffixos speciale. P. ex. latino: *ama-t ama-ba-t ama-bi-t ama-vi-t.*

In Esperanto non lice scribe verbo sine indicatione de tempore. Propositione « *La nokto sekv-as la tag-on* » significa « nunc, nocte seque die » aut « es vespere », et non existe possibilitate de exprime propositione, semper vero, que post omni die seque nocte. Propositione in Ido: « *Du plus du esas quar* » significa: « hodie es vero que $2 + 2 = 4$ », sed non es possibile de exprime veritate absolute « $2 + 2 = 4$ ». Nomenclatura in usu in grammatica commune es sæpe impropprio. Affirmatione que voce L. *ama-t* es tempore præsente, es impropprio. Nam *ama-t* contine thema de verbo *ama*, et suffixo de persona *-t*, et nullo indicatione de tempore. Versione de verbo

in D. *Zeitwort*, id es « tempore-vocabulo », dice que ad verbo pote (non debe) es unito, per suffixo, idea de tempore.

Pro exprime $2 + 2 = 4$, esperantido debe tribue ad suffixo *-as* non valore de præsente, sed valore nullo.

-o, suffixo esperantido, indica substantivo. *Sun-o* significa « sol-substantia », et *nokt-o* « nocte-substantia ». Es evidente que isto suffixo, existente in nullo lingua de mundo, es inutile; et pro vide suo origine, nos debe tracta de volapük. In volapük, omni radice es substantivo. (2) Adjectivo deriva ab substantivo per suffixo *-ik*, que es internationale; vide *Vocabulario commune*, suffixo *-ico*, pag. 42. Ergo omni adjectivo, in isto lingua artificiale, mirabile in plure puncto, termina per *-ik*, et omni verbo, adverbio, etc. termina per respectivo suffixo de derivatione. Esperanto termina in *-a* omni adjectivo, *-e* adverbio, *-i* infinito de verbo, *-o* substantivo, *-u* imperativo. Finales *-a -e -i -o -u* habe duplice functione, de vocales euphonico, et de signos de derivatione, quod produce ambiguitates.

Inutilitate de desinentias Esperantido jam es notato ab socio adv. Michaux, in « *La revue de l'esperanto* », 1906; per suppressione de elementos inutile, nostro consocio obtine « *Esperanto sen lerno* »:

- (7)

Sun bril. Nokt sekv tag.

Socio Bond nota que duplice usu de suffixos *-a -o*, vocales sine valore, et signos de derivatione, produce irregularitates, et propone de adopta illos, solo quando indica derivatione ab adjectivo ad nomen et verbo. Vide *Discussiones* pag. 73 et 129.

Sed ambiguitate et difficultate, que genera duplice usu de suffixo *-o*, resulta ex comparatione de discussione in scriptos sequente:

Couturat, *Dérivation en esperanto*, 1907,

Kolowrat, *Pri la derivo en Ido kaj en Esperanto*, 1909,

Antido, *La construction logique des mots en Esperanto*, 1910.

La es articulo in Esperantido. Existe nullo differentia inter L. « *sol* » et I. « *il sole* ». Additione de articulo adde nullo idea, nullo determinatione ad *sol*, et es facto historico, non logico, que astro plus noto, *sol* et *luna*, in plure lingua, habe articulo, dum *Marte*, *Venere*, *Jove* non habe articulo.

Ergo, Esperantido es regressu ab Volapük, in elementos inutile, et

(2) Ergo *nid* significa « fulgore » et *suk* « successione ». Vide nota (1).

que isto forma de lingua dice obligatorio, *-as*, *-o*, *la*, et in generale, in toto grammatica.

Propositiones præcedente es expresso in Idiom neutral per

(8) *Sol splend. Nokt sekū po diurn*

et in Reformed-neutral (versione de socio Rosenberger):

(9) *Sol splende. Noct seque po diurn.*

Isto forma de interlingua contine uno solo elemento inutile, præpositione *po*, desivato ex L. *post*. Suo origine es que latino *sequi*, que rege accusativo in L. (vide prop. 1), et in F. H. I. P., es dato in vocabulario de neutral, ut æquivalente de D. *folgen*, que rege dativo. Constructione de Neutral non responde ad L. « nox sequitur diem », sed ad L. « nox succedit die-i ».

Versione in Universal (per socio Molenaar):

(10) *Sol lux. Nokt seq di*

que contine nullo elemento inutile.

In conclusione, propositione (1), dato ut exemplo, et que exprime relatione inter 5 idea, ut resulta ex (3), es expresso

in latino classico (2), per 10 elemento

in Volapük (4), per 8

in Esperanto (5), per 14

in Ido (6), per 13

in Neutral (8) et (9), per 6

in Universal (10), per 5

Ergo, Universal de socio Molenaar, es solo sistema cum grammatica minim.

Nunc nos stude vocabulario adoptato in sistema præcedente.

Primo idea, que occurs, es expresso in Volapük (4), Neutral (8) (9), Universal (10), per L. *sol*, et in Esperantido per A. *sun*. Nos pote determina quale forma es plus internationale, aut si existe forma plus internationale que ambo.

Pro isto scopo, suffice consultatione de vocabularios commune et etymologico de linguas de Europa. Ex vocabulario de Körting (vide meo *Vocabulario commune*, pro citationes completo) resulta:

L. *sol* vive in H. P. *sol*, I. *sole*, et F. *soleil* derivato ex diminutivo *soliculo*.

Existe numeroso vocabulario que da derivatos de radices in aliquo lingua.

In vocabulario de Grimblot, nos pote legere derivatos de *sol* in F. Si nos compara illos cum *Vocabulario commune*, resulta que L. *solare* et *insolatione* es A. D. F. H. I. P. R. Ergo L. *sol* existe in sensu proprio in FHIP, et in compositione, in ADR. Quod nos indica per *sol* L/FHIPadr.

Ergo, L. *sol* es internationale, et es voce de lingua de Academia, secundo art. 2 de pag. 91. Vocabularios futuro de lingua de Academia debe proba que omni elemento de interlingua es, in generale, A. et D. et F. et H. et I. et P. et R. Pote es facto ut seque:

L. sol :	A. <i>sun</i> <i>sol(ar)</i> (<i>in)sol(ation)</i> <i>sol(stice)</i>
	D. <i>Sonne</i> <i>sol(ar)</i> (<i>in)sol(ation)</i> <i>Sol(stium)</i>
	F. <i>sol(eil)</i> <i>sol(aire)</i> (<i>in)sol(ation)</i> <i>sol(stice)</i>
	H. <i>sol</i>
	I. <i>sole</i>
	P. <i>sol</i>
	R. <i>solntse</i> <i>sol(ar)</i> (<i>in)sol(atsija)</i>

Nomen L. es secuto ab suo versione in omni lingua; versione es scripto in charactere « romano », si differ solo per orthographia de latino; es in *cursivo*, si non es affine de latino. Postea es scripto aliquo derivato, que proba existentia de vocabulo in omni lingua. Citatione de derivatos in H. I. P. in exemplo præcedente, es inutile.

Ex vocabulario de Grimblot resulta que idem idea de L. *sol*, es expresso in F. per G. *helio*, in numeroso derivato scientifico. Me cita solo voces A. D. F. H. I. P.: *ap-helio*, *peri-helio*, *helio-centrico*, *helio-metro*, *helio-scopio*, *helio-tropio*. Ergo *helio* vive in compositione in 7 lingua, et es vocabulo de Academia, secundo § 2 de pag. 91.

Vocabulorio definito per § 2 contine synonyms; nos debe elige inter illos forma plus intelligibile. Inter *sol* L/FHIPadr, et *helio* G/fhipadr, primo es plus intelligibile, nam vive disjuncto in linguas romano.

Secundo Grimblot, idea *sol* es expresso per antiquo gallo *haul*, vivente in F. *häuser*; per nomen mythologico *Apollo* et *Phœbo*; et par ægyptio *Ammon*, radice de voce internationale *ammoniaca*, per rationes scripto in libros de chemia.

Comparatione de vocabularios etymologico de H. I. P. coincide cum F.

Idea *sol* es expresso in A. *sun*, D. *Sonne*, Nederland *zoon*, que es

affine inter se, et secundo linguistas, habe origine commune in præ-germanico, lingua de que nos habe nullo documento scripto. Esperantido, que adopta voce *sun*, pertinente ad uno solo, aut duo ex 7 lingua considerato in § 2, habe selecto forma minus internationale, que L. *sol*, et G. *helio*. In isto puncto, et in plure alio, esperantido es regressu ab volapük.

Esperanto, in voces germanico, aut seque orthographia A., ut in *sun*, aut D., ut in *tag* (= || A. *day*), ad arbitrio.

In germanico, idea *sol* es expresso per Sved. et Dan. *sol*, Anglo-saxone *sol*, Gothic *saul*, affines inter se et cum L. *sol*.

R. *solntse* es diffuso in linguas slavo; suo affinitate cum L. *sol* es dubio (Schrader).

Ex vocabulario de Fick resulta que L. *sol*, G. *helio*, Celto *haul*, Sve. Dan. *sol*, deriva ex Europæo antiquo, et es affine de Sanscrito *suar*.

Correspondentia de L. *s* initiale, cum G. *h*, es regulare: L. *sex*, G. *hex(agono)*. Vide *Vocabulario commune*, pag. 64.

Secundo Kluge, primo syllaba de L. *so-l*, et D. *Sonne*, habe origine commune.

In modo analogo, lectore, cum auxilio de vocabularios citato, aut de meo *Vocabulario commune*, que es quasi indice de vocabularios citato, aut cum auxilio de importante vocabulario de Hemme, que debe es super tabula de omni socio, que stude interlingua, pote determina internationalitate de ceteros elementi:

L. *fulge* 7, *luce* 7, *splende* 6, I. *brillare* 7.

Numero que seque vocabulo indica numero ex 7 lingua ADFHIPR, que contine isto elemento.

In orthographia, existe convergentia ad etymologia. Thema L. *seque* (infinito *sequi*, imperativo *seque-re*) habe forma *suk* in Volapük, *sekv-as* in Esperanto, *sequ-as* in Ido, et *seque* in Neu'ral (9).

Idea, que nostro societate, aut societate simile, pote construe ad arbitrio lingua, et impone illo ad publico, evanesce; et es substituto per idea que nos pote stude et diffunde lingua, que hodie jam es commune ad populos de Europa.

Academia non da ordine, sed da consilio super forma plus intelligibile.

Explicatione de cetero vocabulo pote es facto in modo simile:

L. <i>nocte</i> :	A. night noct(urne) noct(ambulo) noct(ivagons)
	D. Nacht nokt(urnus) Noct(ambulismus) (ab)noct(ieren) (per)noct(ieren)
	F. nuit noct(urne) noct(ambule)
	I. notte
	H. noche noct(urno) noct(ambulo)
	P. noite noct(urno) noct(i luco)
	R. noc'i nokt(urn)

L. <i>die</i> :	A. day di(ary) di(urnal) (meri)di(an)
	D. Tag Di(arium) (Meri)di(an) (meri)di(onal)
	F. jour (lun)di (mar)di di(urne) (meri)di(en)
	I. dì, giorno ex L. di(urno)
	H.P. dia
	R. de(ni) (meri)di(an)

L. <i>luna</i> :	A. moon lun(ar) lun(ula)
	D. Mond lun(arisch) lun(ula)
	F. lune. Desinentia latino -a es transformato in F. -e.
	I. =
	H. =
	P. lua lun(ula) lun(ar)
	R. luna

Socio et collaboratore germanico da ad vocabulario forma sequente:
Sol [▷ solar, Söller (↙ solario), Solstitium, Insolation] Sonne.

Luna [▷ Laune, lunar, Lunation, lunatisch, Lunula] Mond.

Astro [▷ astral (z. B. Astrallampe), Astrolog, Astronom, etc.; || =]
Gestirn.

Luce [▷ Lucidität, Lucifer, Lucimeter, luculent, Illumination, Illustration, Dilucidation, Elucidation; || Lohe, Leuch-te, Lich-t]
Licht.

Die [▷ Di-urnum, Di-urnist, Di-urnale, Journale; || di in Dienstag] Tag.
Nocte [▷ Nocturn, Noctambulismus; || =] Nacht.

Foco [▷ Focaldistanz, Focus] Feuerstätte, Feuer.

Terra [▷ terrestrisch, Terrain, Territorial, Territorium] Erde.

Aer [▷ aerisch, Aerodynamik, ...] Luft.

Aqua [▷ Aqueduct, Aquafort. Aquamarine, Aquarell, Aquarius, Aquarium; || Ache, -ach, -a (Aachen, Salzach, Fulda), -aff, -eff, -ep (Aschaffenburg, Honeff, Lennep), Au] Wasser.

Consocia Enderneit-Bayer, secretaria de Academia, verte propositione (1) in plure lingua:

- (11) A. *The sun shines. The night follows the day.*
- (12) D. *Die Sonne scheint. Die Nacht folgt dem Tage.*
- (13) F. *Le soleil brille. La nuit suit le jour.*
- (14) I. *Il sole splende. La notte segue il giorno.*
- (15) R. *Solntse svietit. Noc' i sljedujet za dnem.*
- (16) Dan. *Solen skinner. Natten følger efter Dagen.*
- (17) Sved. *Solen skenar. Natten följer pæ dagen.*
- (18) Cekh. *Slunce sviti. Noc sleduje za dnem.*

Graeco habe numeroso elemento internationale. Nos pote construe graeco agrammatico, simile ad latino sine flexione:

- (19) *Helio phlege. Nycte hepe hemera. Selene do photo en nycte. En panto trigono orth' gonio, tetragono epi hypotenusa es iso synthesi ec dyo tetragono epi catheto.*

Vocabulario commune in pag. 83-86 contine exemplo de interlingua; § 1, 2, 3 es propositiones composito ex vocabulos indo-europaeo, vivente in linguis moderno, et da idea de cognitiones et artes de nostro avos. Me publica versione in plure systema de interlingua, facta ab auctores aut sectatores de singulo sistema. Lectore pote continua comparatione.

ESPERANTO

Universo. — La suno brilas. La nokto sekvas la tagon. La luno lumas nokte. La vintro alportas neghon kaj froston. La printempo sekvas la vintron. La vespero estas post la tago kaj antaù la nokto. La maten-rugho estas post la nokto kaj antaù la tago. La vento blovas. La vintro estas longa. La nubo kashas la sunon.

Animaloj. — La homo rezonas. La hundo sequas la homon. La anaso naghas. La fishoj naghas en la maro. La cheva'o kuras. La lupo rabas. La urso estas sovagha. La vermaj vivas sub tero. La kaprino manghas herbon kas donas lanon. La birdoj produktas (naskas) ovojn en la nidoj. La muso, la vespo kai la musho malutilas. La serpento rampas. La ganso, la anaso, la kukolo, la gruo, la turdo, la merlo kaj la sturno estas birdoj. La homo havas unu langon kai du orelojn, unu nazon kaj du okulojn, unu koron kaj du genuojn. La bovo havas du kornojn kaj kvar piedojn. La okuloj vidas kaj la dentoj manghas.

Patroj kaj patrinoj naskas fratojn kaj fratrinojn. Vidvino ne havas edzon (au: estas sen edzo). Ni manghas por vivi, ni ne vivas por manghi.

Artoj. — Prometeo rabis la fajron de Jupitero. *Monu* pashtis la shafincion; donis jugon a la bovoj; plugis la kampojn; semis la avenon; falchis la hordeon; muelis la grenon; rikoltis fabojin en la frukto-gardeno; mortigis lupojn kaj ursojn. Minervo shpinis lanon el la kaprinoj. *Monu* faris domoin, ambosojn, kuprojhojn, fortiris (pushis) la shipoin el la havenoj. La chevalo kondukis (portis) *Monu* sur axoj kaj du rotoj.

Studio. — Mi skribas. Nun mi legas libron, kiun vi skribis. Ni iras al la lernejo por studi fizikon kaj filozofion. Hieraù, dum la leciono, nia instruisto leroigis a ni novan libron, per kiu ni volas lerni literaturon. Mi peta ke vi bonvolu ekspedi al la biblioteko de tiu-chi universitato katalogon de libroj, pri matematiko, kiujn vi vendos, kun prezoin.

IDO

Universo. — La suno brilas. La nokto sequas la jorno. La luro lumas nokte. La vintro adportas nivo e frosto. La printempo sequas la vintro. La vespero estas pos la jorno ed ante la nokto. L'auroro estas pos la nokto et ante la jorno. La vento suflas. La vintro estas longa. La nubi celas la suno.

Animali. — La homo rezonas. La hundo sequas la homo. La anaso natas. La fishi natas en la maro. La kavalo kuras. La lupo raptas. La urso estas sovaja. La vermi vivas sub tero. La kaprino manjas herbo e donas lano. La uceli genitas ovi in la nidi. La muso, la vespo e la musho estas nociva. La serpento reptas. La ganso, l'anaso, la kukolo, la merlo, la turdo, la sturno e la gruo estas uceli. La homo havas un lango e du oreli, un nazo e du okuli, un kordio e du genui. La bovo havas du korni e quar pedi. La okuli vidas e la denti manjas. Patri e patrini genitas frati e fratini. Vidvino ne havas spozo (o: estas sen spozo). Ni manjas por vivar, ni ne vivas por manjar.

Arti. — Prometeo raptis la fairo de Jupiter. *Monu* pasturigis la mutoni; donis yugo a la bovi; plugis l'agri; semis la aveno; falchis la hordeo; muelis la grano; rekoltis fabi en la frukto-gardeno; mortigis lupi et ursi. Minerva filifis (= facis) lano ek la kaprini. *Monu* facis domi, ambosi, kupraj, pulsis (ektiris) la navi ek la portui. La kavalo portis (duktis) *Monu* sur axi e du roti.

Studio. — Me skribas. Nun me lektas libro, quan vu skribis. Ni iras ad la lerneyo por studyar fiziko e filozofio. Hiere, dum la leciono, nia instruktisto docis a ni nuva libro, per qua ni volas lernar literaturo. Me pregas ke vu komplezez (voluntez) expediar ad la biblioteko di ca universitato katalogo de libri, pri matematiko, quin vu vendos, kun preci.

IDIOM NEUTRAL

Univers. — Sol (splend?) lum e kalidifik. Nokt seku po diurn. Lun don lum noktue. Frigotemp port rev e frost. Florotemp seku po frigotemp. Vespr es po diurn e ante noktu. Matin es po noktu e ante diurn. Vent sufl. Frigotemp es long. Nub okult sol.

Animal. — Hom pens. Kani seku po hom. Anat flot. Pisk flot in mar. Kaval kurs. Lup rapin. Urs es feros. Verm viv sub hum. Muton ed herb e don lan. Ornit mete ov in nid. Mus, musk e vesp damnifik. Anguil serpent. Gus, anat, kukul, grus, turd, merl e sturn es orniti. Hom av un lang e du ori, un nas e du oculi, un kord e du genui. Bov av du kornui e kuatr pedi. Bov and lente. Okul vis, dent ed. Patr e matr gener fratr e soror. Vidua es sine marit(o). Noi ed a vivar, noi no viv a edar.

Arti. — Prometeo rapinav fok da Yov. Monu es patr de (?) noi. Monu pasturav besti; il donav yug a bov, il arav agr; il seminav aven; il f. lsiav ors; il molinav gran; il kultivav fasol in hort; il mortifikav lup e urs. Vesta kukav frukti e farin su (superioru) fok. Minerva filav lan de muton; ila texev et sutev vesti. Monu konstruav dom; il forgav protometal; il andav (flotav) mediu nav eks port. Kaval vehikl Monu su[perioru] aks e du roti in (su) via.

Studi. — Mi skrib. Sitempe mi lekt libr, kel vo skribav. Noi and a skol a studiar filosofi et fisik. Presidiurne preseptor, in leksion, instruav [a] noi libr nov, da kel noi studiero literatur. Mi preg vo ekspediar, a bibliotek de isto universitet, katalog de libri di matematik, keli vo vend, — ko prisi (ko indikasion de prisi).

IDIOM NEUTRAL REFORMED

Univers. — Sol (splende?) lucie et calidifie. Noct seque po jurn. Lun done luce nocte (in noct). Frig-témpor porte nev et frost. Flor-témpor seque po frig-témpor. Vespr es po jurn et ante noct. Matin es po noct et ante jurn. Vent sufle. Frig-témpor es long. Nub occulte sol

Animal. — Hom pense. Can seque po hom. Anat flotte. Pisc flotte in mar. Cavall curre. Lup rapine. Urs es feroce. Verm vive sub hum. Muton ede herb et done lan. Ornit mete ov in nid. Mus, musc et vesp damnifique. Anguil serpent. Gus, anat, cucul, grus, turd, merul et sturn es orniti. Hom av un lang et du oreli, un nas et du oculi, un cord et du genui. Bov av du cornui et quatr pedi. Bov vade lente. Ocul vide, dente ede. Patr et matr genere fratr et soror. Vidua es sine marit(o). Noi ede a viver, noi no vive a eder.

Arti. — Prometeo rapinev foy da Jov. Monu es patr de (?) noi. Monu pasturev besti; il donev jug a bov; il arev agr; il seminev aven; il falcev orge; il molinev gran; il cultivev fasol in hort; il mortifiquev lup et urs. Vesta coquev fructi et farin su (superioru) foy. Minerva filev lan de muton; ila texev et sutev vesti. Monu construev dom, il forgev protometal (ær?); il vadev (flottev) mediu (per) nav ex portu. Cavall vehicule Monu su (superioru) ax et du roti in (su) vi.

Stud. — Mi scribe. Nu mi lecte libr, quel vo scrib. Noi vade a scol a studer filosofia et fisic. Heri docent, in lection, docev [a] noi libr nov, da quel noi studera literatur. Mi pete vo expedier, a bibliotec de ist uiversitet, catalog de libri, quelii vo vende, — co precii (co indication de precii).

(« Idiom neutral » e « Reform neutral ». Traduked par W. Rosenberger in Alpnach, Suissia 4 juli 1909).

UNIVERSAL, per socio Molenaar.

§ 1. Sól fulg (luz). Nokt seq(uo) dí. Lun don luz in nokt. Hibern aport niv e gel. Primaver seq hibern. Ser es po dí e ante nokt. Auror es po nokt e ante dí. Vent sufl. Hibern es long. Nebel zel sól.

§ 2. Hom pens. Kan seq hom. Ant nat. Pisk nat in mar. Kaval kurs. Lup rap. Urs es feroz. Verm viv sub hum. Pekori ed herb e don lan. Avi gen ovi in nid. Mus, musk e vesp noz. Serpent rept. Gans, ant, kukul, gru, turd, merl e sturn es avi. Hom hab un ling e du auri, un nas e du oki, un kor e du genui. Bov hab du korni e quar pedi. Bov vad lente. Ok vid, dent ed. Patr e matr gen fratr e soror. Vidua es sin marit (vir). Nos ed por viver, non viv por eder.

§ 3. Prometeo rap fok da Jupiter. Monu es nor patr (anzestro). Monu past animali, don jug a bov, ar agr, semin aven, falz hordé, mol gran, kultiv fab in gardin, mort lup e urs. Vesta kok frugi e farin sur fok Minerva fil lan ex pekori, tex e sut vest. Monu fak

dom, fabr bronz, duk nav ex port. Kaval tir monu sur ax e du roti in ví (strat).

§ 4. Jo skrib. Nunk jo leg libr, que tu ja skrib. Nos vad a skol por studer filosofi e fisik. Heri magistr dozева in lekzion a nos un nuv libr, da que nos vol aprender literatur. Jo preg, ke vo exped a bibliotek de is universitat kata'og de libri sur matematik que vos vend, kon prez.

Studio de grammatica

per G. PAGLIERO.

§ 1. Participio præsente pote es expresso, in omni lingua de Europa, aut per synthesis, ope suffixo *-ente*, aut per analysi, ope pronomen relativo *que*. Nam subsiste æqualitate:

L. *agens* = *qui agit*,
et sine flexione: *agente* = *que age*.

Ambo modo, pro exprime idem idea, es internationale.

§ 2. *que* es thema de accusativo latino *quem*, nom. masc. *qui* et *quis*, fem. *qua*, neutro *quod* et *quid*, ablativo *quo*.

Vive in linguis neolatino, F. *qui que*, I. *chi che*, H. *que quien*, P. *que quem*. Ad thema de ablativo latino *quo*, nos præfer thema de accusativo *quem*, unde deriva formas de neolatino. Secundo linguistas, isto pronomen habe duo thema.

In compositione genera:

L.I. *quale*, F. *quel*, H. *cual*, P. *qual*; A. *quality*, D. *Qualität*.
L.I.P. *quanto*, F. *quant*, H. *cuanto*; A. *quantity*, D. *Quantität*.
L. *quoto quota quotient aliquot*, F. *quote cote quotient aliquote*,
A. *quota quotient aliquot*, D. *Quote Quotient aliquoter*, R. *alikvotnyj*.

Omni glottologo dice que pronomen *que*, reducto ad *u*, existe in L. *ubi*, *unde*, *utro*. Ex isto deriva L.I. *ne-utro*, F.A.D.H.P. *neutral*, R. *nejtralnyj*. Compositos *neutralitate*, *neutraliza*, *neutralizatione* es internationale.

L. *que* es indo-europeo: nam existe in græco, germanico, slavo. G. *pōs poteros*, non habe derivato in linguis que nos considera. Germanico responde (non semper) per *h* ad L. *q* et *c*. Ergo ad

L. *que* responde gothic *hvas hvo hva*. Anglo muta positione de *h* et *u*, et scribe *who what* (= || L. *quod*). D. perde *h*, et scribe *wer was*.

Slavo responde per *k* ad L. *qu*. Ergo R. habe duo thema *ko* et *c'e*, nominativo *kto* et *c'to*, respondente ad L. *quo que*.

Sanscrito: *kas ka kad*.

Ergo pronomen *que* habe charactere E/(L/FHIPadr)GADRS.

§ 3. *-ente*, nom. *-ens*, suffixo de participio præsente, existe in sequente 34 voce commune ad ADFHIPR (tracto ex G. PEANO, *Vocabulario commune*):

accidente adjutante agente appellante assistente cliente coefficiente concurrente continente correspondente dissidente emigrante exponente fabricante figurante infante intendente laborante negotiante patente paciente præsidente prætendente quadrante reagente recipiente regente secante studente tangente transcendentе transparente vacante variante.

Cum novo suffixo vive in sequente voces internationale:

audientia cadentia conferentia differentiale distantia jurisprudentia resonantia sententia.

Isto suffixo habe forma *-nte* post thema in *-a* et *-e*:

a) *vacante* = *que vaca*, *concurrente* = *que concurre*,

et forma *-ente* post thema in *-i*, aut consonante:

b) *audiente* = *que audi*, *conferente* = *que confer*.

Es noto que in latino classico, 15 verbo adde *-i-* ante *-ente*. Illos es reducto ad 2 in latino internationale, id es in latino vivente in 7 lingua considerato:

c) *fac, coeffic iente; cape, recip iente*

Duo alio vive in anglo: *sap-iente*, *grad-iente*.

Magno parte de grammatica de latino es mortuo; sed aliquo elemento et regula es diffuso in omni lingua moderno.

Ex verbos que genera participios citato, es ADFHIPR:

concurre emigra fabrica figura prætende.

Cetero habe internationalitate minore aut nullo.

In generale, vocabulos derivato per suffixos non habe sensu solo que resulta ex suo elementos. Decompositione de vocabulo in elementos non semper da toto valore de vocabulo. Ex valore de elemento que compone *differ-ent-ia-le*, nos resulta definitione de isto termino infinitesimal. Etymologia de vocabulo da cognitiones utile, sed non definitione.

In exemplis de participios citato, plure non habe plus sensu de participio. Si, secundo grammatica, *agente* = *que age*, in realitate isto vocabulo internationale significa « illo que fac professione de age pro alio commerciante ». Et *studente* significa « inscripto in universitate ». Etc.

Suffixo *-ente* es indo-europæo; in græco internationale: *horizonte*, *onto-logia*. Voce *ion*, elemento de electricitate, *an-ion*, *cat-ion*, plurale A.F. *ions*, responde ad L. *euntes*.

In D. habe forma *-end*: *nehmend*. A. *-ing* habe historia complicata.

§ 4. Nunc, que existe duplice modo internationale pro exprime idem idea, quale es consilio que Academia pote da ad scriptores in interlingua?

Usu de pronomen *que* præsenta nullo difficultate.

Usu de suffixo *-ente* debe es explicato per regulas a) b) c). Ergo me puta que conveni ute participio in *-ente*, solo si illo jam es internationale. Sed jam Academia consilia usu de voces internationale, per § 2 et 3 de pag. 147. Repetitione de isto consilio es inutile. Ergo me propone regula:

Interlingua non habe participio præsente.

§ 5. Pro redde plus facile studio de derivatione ex verbo, me addo aliquo suffixo:

-tione, nom. *-tio*, vive in 111 voce internationale ADFHIPR:
aberratione accertatione actione administratione ambitione amputatione appellatione approbatione associatione auscultatione calcinatione citatione classificatione collectione compilatione complexione compositione concessione conditione confirmatione confiscatione confœderatione conscriptione constitutione constructione consultatione contrafactione contributione contusione convulsione cooperatione corporatione declamatione declaratione decoratione deductione definitione delegatione demonstratione deputatione dictione directione dislocatione dispositione dissertatione divisione evolutione excursione expeditione expressione executione foederatione formatione fortificatione functione illuminatione illusione illustratione indicatione inductione infectione inquisitione insolatione instructione interpolatione intonatione introductione lectione liquidatione missione modulatione natione numeratione obligatione occasione operatione oppositione petitione plantatione positione præcessione prætensione processione proclamatione

professione progressione projectione proscriptione provisione publicatione ratione reactione recensione redactione reformatione refractione relatione repetitione reputatione requisitione resolutione revisione revolutione sectione sequestratione speculatione subordinatione taxatione traditione triangulatione variatione.

-to, suffixo indo-europæo de participio passivo, existe in 27 voce ADFHIPR:

absoluto adepto adjunto advocate assignato attributo compromisso concreto confecto decreto delegato duplicato edicto extracto facto instituto legato manuscripto minuto præfecto producto projecto rescripto secreto statuto subjecto sublimato.

-tore: *actore administratore æquatore assessoræ auctore auditore censore citatore commentatore compilatore compaginatore compressore condensatore conductore conservatore correctore creditore curatore declamatore desertore lectore dictatore directore doctore examinatore exsecutore factore inquisitore lectore liquidatore monitore operatore oratore prætore procuratore professore protectore questore rectore reflectore regulatore revisore sculptore sectore senatore speculatorum ventilatore*. Totale 47.

-tu: *accentu actu appetitu aspectu cantu concordatu congressu contractu defectu effectu fructu instinctu processu progressu resultatu senatu spiritu tactu tractatu transitu*. Totale 20.

-tura: *armatura creatura factura literatura manufactura mensura mixtura natura nomenclatura politura quadratura sculptura signatura temperatura*. Totale 14.

Vocabulos citato habe plure sensu, proprio, translato, etc. Sæpe uno solo es internationale; vide vocabularios speciale.

§ 6. Tabula de 168 radice de verbo L., existente in compositione in ADFHIPR:

*ace age ama ane ange ape ara auge arce argue audi cæde cæde
cale canta cande cape cede cela cense cie clama claude cli- clu- cole
coque cre- crede cri- cru- cude cupe cura curre da debe dece dic disce
doce doma duce ede eme erra es fa- fac fave fer ferve fide finge flecte flo-
flue fora frange fuge fulge funde funda funga fure gene gere gno-
grade habe hia ijecta junge juva lec(to) lege libe lice linque lique lude
mede mene migra misce mone mole more mulge move nue orna pasce
para pare pati pelle pende pete pla- plaudere ple- plica plue pone*

*porta pote preca preme proba pu(ta) punge quære quie ra- rape rege
rue rumpe sali salve scande scalpe sci scinde scribe seca sede see
senti seque sere serpe solve sope spece spira sponde spue sta stra-
strue stude su: suge tange tende terre texe trahe trepe tribue trica
tume tunde ure vale ve- vehe veni verte vide vive vol volve vora.*

Vide *Vocabulario commune*, pro omni explicatione.

Lingua commune ad europæos es lingua irregularis, ut omni lingua naturale. Plure socio, Monseur pag. 14, Peano pag. 58, etc., desidera que interlingua posside systema de derivatione regulare. Hoc es necessario pro obtine derivatos, quando forma internationale non existe. Si derivatione regulare deforma voce internationale, tunc omni socio es libero de elige inter forma regulare et forma internationale.

§ 7. LEIBNIZ, philosopho mathematico et interlinguista summo, dice que nomen abstracto non es necessario. Nos pote elimina illo, sine introduc nullo elemento novo. Sed nullo auctore da regulas. Me transforma omni propositione de pag. 1 et 2 de *Discussiones*, in alio, ubi nomen abstracto, derivato ex verbo evanesce. Vocabulo in *cursivo*, es abstracto, que me elimina.

Problema es proximo ad *solutione* = problema es proximo ad es soluto = nos es proximo ad solve problema.

Vocabulario habe *origine* in latino = vocabulario ori in latino.

Auctore, per *usu* de vocabulos internationale, et per *simplificatione* de grammatica scribe in forma intelligibile = auctore ute voces internationale, simplifica grammatica, et si intelligibile.

Academia habe *origine* in 1887 = Academia ori in 1887.

pag. 2. Academia incipe per *correctione* de defectu = Academia incipe per corrigere defectu.

Ad *progressu* de interlingua contribue Z. = Z. fac progredi interlingua.

E. perveni ad *diffusione* simile = E. jam diffunde se in modo simile.

Seque *existentia* de plure lingua = resulta que plure lingua existe.

BIBLIOGRAPHIA

Antido, *La construction logique des mots en Esperanto*. Genève 1910, pag. 84.

Auctore propone adoptione de duo principio sequente:

1) « Introduire dans la construction d'un mot tous les éléments nécessaires pour former l'idée que l'on veut exprimer. »

2) « Ne pas introduire inutilement deux fois la même idée dans la construction d'un mot, ni une idée qui ne doit pas y être contenue. »

Principio de Antido es plus præciso que nostro § 14 pag. 147. Nos dice que lice supprime omni elemento grammaticale non necessario; dum Antido redde isto suppressione obligatorio.

Auctore, pag. 21, considera verbo esp. *fendi* = F. *fendre*, adde duo suffixo æquivalente *-ad* et *-i*: *-ad* = *-i*, et obtine *fend-ad-i*, que reduce ad *fendi*. Principio que applica auctore, es principio de logica-mathematica, exposito ab Leibniz (vide *Formulario mathematico*, t. 3, pag. 14 et 15), et que postea Jevons voca *law of simplicity*. Principio dice, que si *a* et *b* es classe, id es, nomen commune aut adjetivo, et classe *b* contine, aut æqua, *a*, tunc affirmatione simultaneo de *a* et *b* vale *a*:

$$ab = a, \text{ et } aa = a.$$

Exemplo: (numero pari) et (multiplo de 4) = (multiplo de 4), nam omni numero multiplo de 4 es pari.

Sed applicatione de ce principio cum logica et rigore, duce ad resultatu indicato per socio Bond in pag. 73, id es, ad suppressione de appendice *-o -a* ad substantivo et adjetivo.

Auctore, pag. 40, scribe esp. *homo=hom*. Nam. esp. *hom* = F. *homme*, jam contine idea de substantivo. Ergo nostro auctore debe reduce esp. *fendi* ad *fend*, nam idea de actione *-i* existe in *fend*.

Voce LADFHIPR *boa* jam contine idea de substantivo, et Esperantidista adde nullo idea novo, quando scribe *boao*. Voce GLADFHIPR *panorama* contine idea substantivo, aut de ente, et suo transformatione in *panoramico* adde nullo idea novo, sed da uno ex numeroso exemplo de voce que es identico in omni lingua de Europa, excepto Esperantido.

Linzer Post. 31 juli 1910, contine scripto: *Wie steht es mit der Perfektsprache?*, de nostro socio, Academico A. Hartl. Auctore expone historia de nostro Academia, et de interlingua in generale. Cita vocabularios etymologico, que es necesse de consulta, pro obtine informationes supra internationalitate de vocabulos. Es scripto optimo; et nos preca socios de diffunde, in modo simile, ideas de Academia, in diurnales politico.

Verax, *Enciklopedia vortareto esperanta*. Paris, Hachette, 1910, pag. 249.

E. Naville, *La devo*. Kundig, 1919, p. 154.

Ch. Lemaire, *Leçons sur la Internaciona Linguo (IL)*. Bruges 1909, pag. LV + 207.

Ch. Lemaire es celeberrimo viatore africano, que fac noto origine de flumen Congo. Sectatore de Esperanto, publica in isto lingua relatione de suo itinere in Africa. Postea adopta modificationes de Ido, de que nostro periodico tracta in pag. 39.

Nomen de lingua ILO es composito ex initiales de *inter lingua* et finale artificiale de -o substantivo.

Auctore expone in modo elegante et interessante, problema de interlingua. Expone regula, et fac interessante observatione.

Pag. 32. « Les partisan éclairés de la langue auxiliaire internationale savent fort bien que le problème ne recevra pas encore aujourd'hui sa solution définitive. »

Esperanto-ido-ilo distingue per terminaciones nomen, adjektivo, verbo et adverbio. In quale categoria nos debe pone pronomen? Auctore nota que illos es nomen, nam habe officio de nomen, et propone de termina illos per -o. Ad L. *me te se*, auctore fac responde *mo to so*.

In quale categoria nos pone articulo? Auctore nota que, in omni lingua, articulo es pronomen, que perde parte de suo valore; ergo propone pro articulo forma o. Es notabile coincidentia de isto propositione cum pag. 100 de *Discussiones*.

In quale categoria nos debe pone nomen de numeros? Auctore fac illos substantivo aut adjektivo.

Ilo da nullo terminatione speciale ad numeros, conjunctiones, etc. Auctore cita serie (pag. 93)

tro, tri, tra, tre,

que in isto sistema, habe forma de substantivo, plurale, adjektivo et adverbio respondente ad idem radice; in realitate illos habe nullo relatione inter se, nam significa F. *trop, trois, trans-, très*.

In pag. 119 cita serie *do di da de*, et *pro, pri, pre*, que es contradictorio cum regulas de isto lingua.

Austriacus, Semilatin, Ein neues Weltsprache-projekt, Wien, 1910, pag. 35.

Auctore, in præfactione tracta de vario sistema de interlingua, et de plus recente, Neutral, Latino, s. fl., Perfectsprache de socio Hartl (vide pag. 83), et de nostro Academia. Auctore adopta plurale in -s: et habe felice idea de repræsenta genere per articulo, que voca Geschlechtswort: *lo* = mas, *la* = femina; ita elimina grave difficultate. Auctore adopta vocabulario latino, sine distinctione de vivo et mortuo; grammatica contiene plure elemento artificiale.

L. Bastien, Naulingua etimologia leksikono. Paris 1907, pag. 248, Fr. 3.

Isto vocabulario determina extensione de omni voce esperanto in linguas L. A. D. F. H. I. P. R. Corresponde ad magno vocabularios scientifico de Hemme pro latino, et de Webster pro anglo. Sed es multo plus simplice, facile, et de pretio minimo. Da idea satis exacto de elementos internationale. Ergo nos commenda illo ad omni cultre de interlingua. Isto libro proba que esperanto habe plure voces internationale, sed et voces tracto ex uno solo lingua, et voces artificiale, sine necessitate.

PERIODICOS IN INTERLINGUA

Internacia Socia Revuo. Redakcio J. L. Brujin, Weimarstraat 225, Hago (Nederland).

Espero Katolika. Direktoro Duvaux, Vincennes (près Paris), Place de la Mairie.

Internacia Pedagogia Revuo. Redakcio Th. Ceika, Bystrice-Hostyn, Moravio (Austria). Fr. 2,50.

Internaciona Socialisto. Redaktero H. Peus, Dessau. Anhalt (Germany).

Itala Esperantisto, Palermo.

In pag. 1 de N. 1 de isto novo periodo, directione declara: « Rekomendi nur eldonajojn, verkojn, gazetojn, kiuj obeas la regulojn kaj fundementon de la Zamenhofa lingvo; kaj se ili raportos pri aliaj, almenau montri iliajn neakceateblajn flankojn. »

Versione es utile. « Nos recomienda solo ediciones, libros, diurnales, que obedi regulas et fundamento de lingua de Zamenhof, et si nos tracta de alios, es solo pro demonstra que illos es errato. »

Si aliquo vol cognosce progressu de interlingua, non debe recurre ad diurnale que fac isto declaracione.

Nos annuntia omni periodo de interlingua, que perveni ad nos. Illos nasce cum magno facilitate, et cum facilitate pari, more. Pertine ad plure sistema de interlingua, et nullo cita labores de sistema differente.

CONCURSU AD PRÆMIO DE ACADEMIA (Fr. 200)

(*vide pag. 49-51, 87-88, 108*).

In solutione N. 11, de socio Moeser, in loco de « gazzetta pro Interlingua » lege: « gazzetta di Academia pro Interlingua ».

SOLUTIONE N. 13

Me mitti dece franzes pór abon de “discussions”, 1910.

Prof. Dr BEERMANN, Erfurt.

Nullo alio concurrente se præsenta in N. 5 et N. 6 de *Discussions*. Numero de socios de Academia es circa 100; sed ullo socio habe soluto plure quota. Capitale es ultra 2000 Fr., quod responde ad 200 quota. Donatore de præmio consenti ad isto interpretatione, que abbrevia solutione de concursu.

Ergo nos declara concursu clauso, et nos invita socios de vota, super scheda unito, per solutione que illos præfer.

NOTITIAS DE ACADEMIA

1. — Academicos nominato in 18 julio 1910,

LEVI-CRIVITA Tullio, Dr. Prof. in Universitate, Padova.

MACFARLANE Alexander, Dr. Prof. in Universitate, 317 Victoria Avenue, Chatam, Ontario, Canada.

2. — Academicos que termina quinquennio de nominatione in 1909.

PLUM, 20 VIII 1909 - ROSENBERGER, 20 VIII 1909 - BONTO, 18 XII 1909.

3. — Modificationes approbato de Statuto.

In N. 4 de *Discussiones*, es proposito modificationes ad Statuto, pro redde nostro societate semper plus scientifico. Pro redde possibile mutatione de Statuto, Academia, per unanimitate de votantes, decide in die 18 julio 1910:

« Inter socios de Academia pro Interlingua es constituto novo « societate cum identico titulo, et cum Statuto in pag. 55-56 de « *Discussiones*, plus articulo sequente:

« Art. 21. *Statuto pote es modificato per maioritate de $\frac{3}{4}$ de votantes.*

« Societate actuale solve se, et concede ad societate novo omni « suo iure. »

Per articulo 13 de Statuto, pro validitate de isto deliberatione, suffice maioritate de votantes.

Isto forma de decisione es necessario, per causa de antiquo art. 21 de Statuto, explicato in pag. 102. Professore de jurisprudentia, ad que me pete consilio, dice que illo es unico solutione possibile secundo leges de Italia, ubi societate hodie habe sede.

Nomen de votantes modificatione, et academicos in novo societate: Actis, Bernhaupt, Blondel, Hartl, Jourdain, Kolowrat, Korselt, Molenaar, Padua, Pagliero, Peano.

Academia, in die 15 septembri 1910, decide ad unanimitate de votantes:

« Es suppresso distinctione inter socios « kademal » et correspondente. Es suppresso omni articulo contrario de statuto. »

Initiales de academicos votante: A. Be. Bl. H. J. Kol. Kor. Le. Mac. Mol. Pad. Pag. Pe.

Ergo, articulo 3 de Statuto es substituto per art. 2 de Regulamento pag. 8; articulos 4, 5, 6, 7, 8, 9, 10, 18, 19 es suppresso. Articulos 1, 2, 15 non existe in Statuto pag. 55 56.

4. — Statuto de Academia pro Interlingua (septembri 1910).

2. Omni homo, mas aut femina, que solve Fr. 10 aut plus per anno, es socio de Academia.

11. Academi es administret per directorat formet per director, vice-director, du secretari.

12. Director e vicedirector es selectet per academiani pro quinq anni. Ili potes esar reelectet. Secretari es nominet per director.

13. Majoritat absolut de votatori resolv.

14. Si numer de voti pro e contr es equal, vot de director resolv.

16. Resolutioni de Academi es publicet in lingua universal in diurnal ofisic de Academi, quel es selectet per academi.

17. Director deb presentar a Academi omni proposition subscribet per sex academiani.

20. Omni academian pay contribuad de dec franc a ann, usq que Academi avero medi monic neces. Directorat de Academi resolv quale ist mon esero used. Un de secretari es caser de Academi.

21. Statuto pote es modificato per majoritate de $\frac{3}{4}$ de votantes.

In transcriptione de art. 11-20, es applicato solo variantes de orthographia, approbato ab Academia.

5. — Dimissione de directione.

Societate pote modifica articulos de Statuto, relativo ad Directione. Ergo Directione actuale da dimissiones. Academia es libero de discute novo Statuto, sine considerationes personale. Directore et thesaurario mane in functione usque approbatione de novo Statuto, et nominatione de Directione novo.

In ultimo anno, progressu de nostro societate es continuo. Numero de socios es circa 100, capitale sociale es ultra 2000 Fr. Academia habe suo periodico suppresso in 1890, et que jam publica 6 numero.

Sed multo alio labore es necesse pro successu de idea de interlingua. Academia jam supprime in Statuto articulos que claude societate

ad publico; et transforma societate dogmatico et theocratico, aut aristocratico, in societate scientifico et democratico.

Me expone in breve quod es bono in Statuto et regulamentos, et quod pote es facto meliore.

Nominatione de directione per 5 anno es longo ad excessu. Es bene que periodo es reducto ad 2 anno, ut relatione inter directione et socios es plus frequente.

Es bene que directore non es renominato sine limite; uno reelectione suffice; postea conveni mutatione de persona; ita labore de Academia es minus personale. Nominationes ante hodie es computato, nam societate habe omni jure de societate ab 1887 in post.

Libertate que habe omni homo, per solo contributione de Fr. 10, de es socio de Academia, es principio optimo. Ita omni homo pote ingredi in nostro societate, et si habe opiniones differente ab majoritate.

Es optimo libertate que habe omni socio, de adopta forma de interlingua, que illo praefer. Libero concursu de omni systema produce formas semper meliore.

Es optimo, que omni socio pote exprime suo opinione super omni quæstione. Isto libertate es limitato solo ab pecunia de societate, et respectu ad personas.

Sed hodie, si directore refusa publicatione de aliquo scripto, per uno ex rationes indicato, auctore non pote recurre ad auctoritate superiore.

Ergo, ut es facto in plure societate scientifico, es utile constitutione de « consilio directivo », ad que omni socio pote recurre, in casu de divergentia super publicatione de suo manuscripto. Consilio directivo pote es nominato cum repræsentatione de minoritate.

Me pone in votatione sequente:

6. — Additiones proposito ad Statuto.

3. Socios nomina directore et vice-directore, que mane in functione 2 anno, et pote es reelecto uno solo vice. (Supprime puncto 1 et 2 de art. 12).

4. Socios nomina 15 membro de consilio directivo.

5. Consilio directivo judica de divergentias inter directione et socios, et concorde cum directione, fac Regulamento, coordina Statuto, tribue titulos honorifico, et resolve omni alio quæstione. In casu de divergentia inter directione et consilio directivo, quæstione es proposito ad socios.

6. Directore mitte scheda de votatione ad omni socio, que vota per directore, vicedirectore, et 12 nomen de consilio directivo, et retromitte scheda clauso. Post 30 die, Directore, præsente omni socio que vol interveni, aperi schedas, et proclama resultatu de votatione.

7. Solo 4 membro de consilio directivo, electo ab socios, pote pertine ad idem natione.

8. Membros de consilio directivo mane in functione 2 anno, et pote es reelecto.

9. Consilio directivo pote nomina, per cooptatione, plure novo membro, sine limite de numero et de natione.

10. Dimissiones de socios es accepto, sine discussione.

Additiones posito in votatione es approbato, in linea generale, ab academicos supra citato.

Aliquo socio time que libertate completo de admissione de novo socios, pote permitte ingressu in societate ad fanaticos, que approba, sine discussione, aliquo sistema artificiale. Tunc nos pote limita jure de voto ad socios, que habe 6 mense, aut uno anno, de inscriptione. Post discussione facta in isto tempore, novo maioritate habe jure de dirige Academia secundo suo gustu.

Nos transmitte ad futuro directione, isto, et omni alio propositione novo relativo ad Statuto.

Nos preca socios de responde, super unito scheda de votatione, si illos approba, aut non, additiones proposito. Socios habe tempore 45 die pro responde (Regulamento pag. 56 art. 4).

Additiones es approbato, si recipe majoritate de $\frac{3}{4}$ de votantes (art. 21 de Statuto)

Nos debe exprime vivo sensu de gratitudine ad socio prof. Meysmans, de Bruxelles, que publica præcedente N. 5 de *Discussiones*, quando nos es toto occupato in nostro professione.

Si aliquo socio vol publica numero de periodico, pote scribe ad nos.

G. PEANO, *directore*.

G. PAGLIERO, *thesaurario*.

Activo de Societate.

Activo præcedente, vide pag. 109 de « Discussiones »	Fr. 2013
BERNHAUPT (vide pag. 54)	10
BEERMAN Dr. Prof., Erfurt, Arnstädterstr. 31	10
BOGGIO Dr. Prof. (vide pag. 90)	20
BORIO Agostino, Dr. Prof. in Lyceo, Aosta	10
ESPEREMA Prof., 9 rue Danton, Paris	10
KORSELT Dr. Prof. (vide pag. 7)	10
LAURA Ernesto, Dr. Prof. in Universitate et R. Polytechnico de Torino	10
MERIGGI Cesare, Dr. Prof., R. Istituto Tecnico, Como (Italia)	10
MICHAUX A., avocat, 26 rue Wissocq, Boulogne-sur-Mer (France)	10
MOORE Gerald, 32 Cleveland Square, London W.	12
RUSSEL, Riga (*)	10
SEBERT Général, 14 rue Brémontier, Paris 17	10
TRIOLA Roberto, Prof., via S. Chiara 34, Napoli	10

Totale Fr. 2155

(*) Nos preca isto socio de mitte indicatione plus præciso.

Passivo.

1-5-09. Circulare N. 96	Fr. 8
2-8-09. Discussiones N. 1, 4000 exemplare	96
Circulare N. 97	8
1-11-09. Discussiones N. 2, 2000 exemplare	320
Circulare N. 98	5
1-1-10. Circulare N. 99	5
20-2-10. Discussiones N. 3, 1200 exemplare	250
Circulare N. 100	5
3-3-10. Circulare N. 101	3
1-6-10. Discussiones N. 4, 1000 exemplare	150
Circulare N. 102	9
Posta	276
1-8-10. Ad socio Meysmans, pro publicatione de N. 5 de Discussiones, 450 exemplare	162
Charta cum intestatione, et chartas postale	42
Vario	19

Totale passivo Fr. 1358

In cassa 518

Credito 279

Totale generale Fr. 2155